



CONVENIO DE COOPERACIÓN ENTRE A CONSELLERÍA DO MEDIO RURAL E OS CONCELLOS DE BOIMORTO E MESÍA PARA A REALIZACIÓN DUNHA OBRA DE INFRAESTRUTURA RURAL

MEMORIA XUSTIFICATIVA

O director xeral de Desenvolvemento Rural da Consellería do Medio Rural, **DECLARA:**

Que esta Dirección Xeral de Desenvolvemento Rural ten previsto formalizar cos concellos de Boimorto e Mesía o instrumento convencional arriba referido que entrará en vigor o día da súa sinatura e permanecerá vixente ata o remate da actuación contemplada no mesmo, a comunicación da recepción das obras aos Concellos e a formalización da acta de entrega.

Que o instrumento convencional ten por obxecto :

A execución por parte da Consellería do Medio Rural de obras de titularidade municipal dos concellos de Boimorto e Mesía e destinalas a o uso público, conforme ao seu correspondente proxecto de obra.

A obra a conveniar consiste na mellora da Ponte de Boado que se atopa ao Sur do Concello de Mesía nunha estrada de titularidade municipal que comunica a N-634 coa DP-1004 e que serve de comunicación entre os concellos de Mesía e Boimorto.

Na actualidade o seu ancho é de 4 m resultando un estreitamento que impide o paso simultáneo de vehículos en condicións de seguridade. Esta circunstancia apréciase no estado dos pretís que están deformados polo golpeo dos vehículos.

A obra contempla as actuacións necesarias para incrementar o seu ancho ata acadar os 10 m que permite a instalación dos sistemas de contención (pretil) deixando un ancho útil de 9 m que permite dous carrís de 3 m en senllas beiravías de 1,5 m.

Así mesmo, a Consellería do Medio Rural considera importante contribuír na execución desta obra, dentro das súas dispoñibilidades orzamentarias e das súas competencias, para a mellora da calidade de vida da poboación rural.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamenta no seguinte:

Estes convenios encádranse dentro dun marco de actuacións en infraestruturas rurais financiadas con fondos propios solicitadas polos concellos para as que a Consellería do Medio Rural accede a colaborar tanto no seu financiamento como na xestión da licitación e a execución das obras mediante a sinatura deste instrumento do convenio de colaboración.

As actuacións están diferenciadas respecto de outro tipo de actuacións en base á súa:

Urxencia : Son contratadas e adxudicadas pola Consellería cunha única anualidade 2017 cun prazo máximo de execución de 3 meses.



Tipoloxía: Actuación nunha ponte e,

Titularidade: É unha actuación supramunicipal, que beneficia a dous concellos simultaneamente

Así:

PRIMEIRO.- A Consellería do Medio Rural, en virtude do Decreto 166/2015, do 13 de novembro, é o órgano da Administración galega encargado de propoñer e executar as directrices xerais do goberno no ámbito rural.

En exercicio das súas competencias responsabilízase de accións que teñan como obxectivo directo a mellora da calidade de vida das zonas rurais, desenvolvendo as dotacións de equipamentos públicos básicos e de infraestruturas no medio rural.

SEGUNDO.- Os concellos de Boimorto e Mesía presentan unha deficiente dotación de infraestruturas rurais no seu ámbito territorial producíndose carencias importantes que frean o seu desenvolvemento rural.

TERCEIRO.- A Consellería do Medio Rural, co obxecto de racionalizar os investimentos en obras de infraestruturas no medio rural, vén de determinar as actuacións a realizar en distintos concellos de Galicia que se desenvolverá de acordo cuns criterios básicos entre os que se sinalan:

- Contemplará proxectos que teñan que ver coa dinamización da base produtiva do medio rural, co obxectivo de dignificar e mellorar a calidade de vida da poboación que reside nestas zonas e contribuír a fixar poboación.
- Poderanse incluír obras de infraestruturas de servizos básicos elementais, como abastecemento de auga domiciliaria, saneamentos, camiños agrícolas e pistas rurais, así como aqueles proxectos singulares que, pola súa natureza, entren dentro da competencia desta Consellería.

CUARTO.- As partes expresan o seu ánimo de participar e colaborar na consecución deses intereses comúns de apoio ao medio rural galego ao abeiro do Decreto 246/1992, do 30 de xullo, polo que se regulan as condicións para a execución en réxime de cooperación coas corporacións locais para a realización de obras titularidade das mesmas.

Que os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector Público, aprobado por Real Decreto Lexislativo 3/2011, do 14 de novembro, ou doutro instrumento alleo á natureza estritamente convencional.

En atención ao exposto e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria en Santiago de Compostela

O director xeral de Desenvolvemento Rural

ASINADO DIXITALMENTE

Miguel Ángel Pérez Dubois

